

春秋穀梁經傳補

春秋宣公經傳第六補注第十五宣公文公子史記名倭母頃熊以匡王五年卽位

穀梁 范氏集解 鍾文烝詳補

元年春王正月公卽位繼故而言卽位與聞乎故也補曰

重發傳者桓纂成君宣纂未踰年君嫌異故發之文烝案宣不去王故元年之王亦爲平文宣與桓少異纂成君與未成君旣如疏說而桓與畢共行弑宣但爲遂所立趙鵬飛嘗言之要以春秋旣稱王治桓則不嫌宣元之王無治宣之義特立文有輕重之差耳張洽曰宣十八年間皆書王者法已舉於前矣天理不可以常亾王法不可以久廢

公子遂如齊逆女不譏喪娶者不待貶絕而罪惡自見桓三年傳曰逆女親者也使大夫非正也

補曰疏曰引彼傳例者嫌譏喪娶不責親迎故引例以明之

三月遂以夫人婦姜至自齊補曰以者不以者也其不言

氏喪未畢故略之也

夫人不能以禮自固故與有貶補

陰和固是其禮而責夫人者一禮不備貞女不從夫故

姜氏若其不行公得無喪娶之譏夫人無苟從之咎故

責之文烝案公羊謂譏公喪娶故貶夫人與公一

體注依文四年傳夫人與有貶而疏申之與公羊微異

其曰婦緣姑言之之辭也

辭略并明不與陳人之婦同

文烝案何休說公羊曰有姑當以婦禮至無姑當以夫

人禮至故分別言之高問曰見頃熊妾也而姑之也

遂之挈補曰疏曰挈者謂去氏族而直書名徐邈以挈

為舉非也文烝案挈實是舉舉而直言之耳

由上致之也上謂宣公補曰謂君稱臣名以告

夏季孫行父如齊補曰左傳曰如

晉放其大夫胥甲父于衛放猶屏也

屏除補曰放者棄置

義相近所以異於奔者杜預釋例曰奔者迫窘而去再

逃死四鄰不以禮出也放者受罪黜免宥之以遠也

國以放放無罪也補曰君放之

也與殺同例

公會齊侯于平州平州齊地離會故不致補曰左傳曰會于平州以定公位

公子遂如齊補曰左傳曰如齊拜成杜預曰謝得會

六月齊人取濟西田補曰何休曰月者惡內不言取言取

授之也補曰明以是為賂齊也宣公弑立賂齊以自輔

注謂諱賂言取用何休說非也經著授之之辭者以是

為賂齊故也凡受賂則言取取郕大鼎宋賂魯也取濟

西田魯賂齊也程子以為齊受之以助不義故書取是

也張洽曰桓誘鄭以許田宣賂齊以濟西田以利自固

前後一轍使鄭莊齊惠不貪其利則桓宣必不能自立

矣故春秋曰假曰取蔽罪鄭齊張略本葉夢得說顧奎

光以為鄭假齊取與魯取鼎同亂賊所畏不在強大而

在無欲也趙汭曰禮國亡大縣邑公卿大夫士皆厭冠

秋邾子來朝

楚子鄭人侵陳遂侵宋○撰異曰楚子鄂本遂繼事也補

宣補注十五

主

重發傳者楚是夷狄又有與國嫌義例有異故也

晉趙盾帥師救陳補曰此即下柴林之師也實未善救陳

也補曰重發傳者疏曰陳近楚屬晉嫌救非善故釋之又救之者為善所以駁鄭之過也

宋公陳侯衛侯曹伯會晉師于柴林伐鄭柴林鄭地○撰

斐列數諸侯而會晉趙盾大趙盾之事也大其衛中其

曰師何也據言會晉趙盾不以其大之也以其大之也以諸侯大趙盾

者衆大之辭補曰疏曰齊侯救邢惡不及事楚子滅蔡滅非其罪晉宋侵鄭失備甸之義故皆貶之而稱師今

此稱師以大之者所謂春秋美惡不嫌同辭也文烝案傳言以其大之者謂以此文欲大趙盾之事承上言之

也注言諸侯大之非也疏論救邢亦非也公羊以為不

言趙盾者君不貪大夫之辭既稱師以大之則公羊所

云之義亦在其中趙鵬飛曰權以與其功正以定其分

權正並用而春秋之法存乎其間非聖人不能脩也

于柴林地而後伐鄭疑辭也此其地何則著其美也曰秦

冬

晉趙穿帥師侵崇

補曰崇者附秦小國當從左傳○

異曰崇左氏字亦作密公羊作柳趙

坦曰周禮縫人注柳之言聚尚書大傳注柳聚

也齊人語廣雅崇聚也此必齊人讀崇為柳

晉人伐鄭伐鄭所以救宋也

時楚鄭侵宋補曰疏曰

楚子鄭人侵陳遂侵宋之文今云晉人宋人伐鄭明救

宋可知文烝案楚鄭侵宋之師早已去矣以是時晉與

宋可

楚子鄭人侵陳遂侵宋之文今云晉人宋人伐鄭明救

夫救災恤患其道宜速而方云會于棠林然後伐鄭狀
似伐鄭有疑須會乃定曰非也欲美趙盾之功故詳錄
其會地補曰傳義泰未得之王引之曰鄭字衍文桓十
五年傳曰地而後伐疑辭也此傳即承前傳言之伐下
不當有鄭字文烝案王說是也傳先言于棠林者出經
文也又言地而後伐疑辭者泛論春秋之例也又言此
其地何則著其美者言此之以著其美與上善救陳之義
明救陳之師所至之地所以著其美與上善救陳之義
相為終始也孔穎達曰陳在宋南楚先侵陳去陳乃侵
宋也陳既被侵方始告晉晉人起師救陳楚又移師侵
宋晉師比至於鄭楚師既已去矣故諸國會于棠林同
共伐鄭裴林鄭地明晉師始至鄭不得與楚相遇故竟無
戰事言救陳者致其意耳孔說
足與此傳相發趙匡駁傳誤矣

晉

人

伐

鄭

伐

鄭

所以

救

宋

也

時

楚

楚子鄭人侵陳遂侵宋之文今云晉人宋人伐鄭明救
宋可知文烝案楚鄭侵宋之師早已去矣以是時晉與

宋共伐鄭故言所以救宋也經自不得有救文與狄人伐衛所以救齊相類

二年春王三月壬子宋華元帥師及鄭公子歸生帥師戰

于大棘宋師敗績獲宋華元大棘宋地○撰異曰孔穎達左氏正義曰此華元歸

生及哀二年趙鞅罕達客主各言帥師者皆是將尊師衆故並具其文或於歸生之下無帥師之字脫耳疏

者不與之辭也華元得衆甚賢故不與鄭獲之補曰疏

亦言獲者晉侯雖失衆諸侯無相獲之道故亦不與秦獲也徐邈云獲是不與之辭與者當稱得也定九年得

寶玉大弓是也弓玉與人不類徐言當稱得也文烝案不與

之辭施於兵獲則爲通例凡書獲蓋多因史文之舊而其義或與以不與獲爲義或以引取之爲義傳於此發

不與之例謂書獲即見不與之義不可更求與之之文以解自應於書言引取之文以解傳也戰所得俘本當言

不須更言直取非引之文以解傳也戰所得獸亦本當言獲言獲即是不與麟至既以狩爲文狩所得獸亦本當言

言獲言獲即是不與麟至既以狩爲文狩所得獸亦本當言本當言得失而復得又當言得獲與得訓釋雖同而用

字各不相假皆史例之舊也左傳例凡獲器用曰得得

用焉曰獲姚鼐以爲器用者其器可用用焉者謂人民
走獸之屬能自動用其身異於器之待人而爲用也陸
潛纂例用力禽之曰獲非用力禽之曰得與左氏亦兼
通也易曰田獲三狐得黃矢獲連文而各別又曰王
用出征獲匪其醜公射隼于高墉之上獲之无不利
田獲三品得金矢得黃金君子得與或繫之牛行人之
得失得勿恤无喪无得億喪貝七日得或得其桷得其
資斧婦喪其茀七日得此類皆與春秋相符足知古人
用字之例矣隨有求得隨有獲得其大妻得士夫得友
皆兩交相承而異其文得此類皆與春秋相符足知古人
得臣得妾得童僕得敵此類言盡其衆以救其將也先
又自爲一例難以俘獲比之類言盡其衆以救其將也先
戰于韓未言敗績知華元得衆心軍敗而後見獲晉與秦
以三軍敵華元補曰敵當爲救轉寫誤也此承救其將
方伯之制故言三軍也或云三軍者當時言軍華元雖
之通稱故子曰三軍可奪帥子路曰子行三軍華元雖
獲不病矣變文鄭君釋之曰將帥見獲師敗可知不當
復書師敗績此兩書之者明宋師懼華元見獲皆竭力
以救之無奈不勝敵耳華元有賢行得衆如是雖師敗

秦師伐晉

夏晉人宋人衛人陳人侵鄭

秋九月乙丑晉趙盾弑其君夷皋

補曰晉靈公○撰穿弑

也

穿趙盾從父昆弟

盾不弑而曰盾弑何也

以罪盾也其以罪

盾何也曰靈公朝諸大夫

補曰朝者公羊以為使諸大夫皆內朝也其下文云趙盾

已朝而出與諸大夫

而暴彈之

暴殘暴補曰廣雅曰暴

立於朝則外朝矣

觀其辟丸也

補曰說

水暴益之暴謂出其不意猝彈之

也左氏公羊皆謂從臺上彈之

身獲適明其美不傷賢行今兩書敗獲非變文如何補
曰敗獲兩書常例也非變文也凡師敗者或君將或大
夫將君傷言君敗重君也大夫傷則於師敗中包之別
於君也若被獲則無論君大夫皆書敗書獲既重於
傷而敗亦不可不書也韓戰師敗君獲而不言敗傳云
失民明特為變文矣既有彼變文故此文有盡其衆以
救其將之意有不病華元之意比類相較其義自顯豈
謂非常例乎鄭說無以折何氏而劉敞疑之抑殊不察

也傾側而轉者公羊曰是為笑樂趙盾入諫不聽補曰左氏公

樂而已矣謂以是為笑樂趙盾入諫不聽補曰左氏公

宰事因此出亡至於郊禮三諫不聽則去待放於竟三

事入諫出亡至於郊禮三諫不聽則去待放於竟三

必三年者古疑獄三年而後斷易曰繼用微經示于叢

棘三歲不得囚是也自嫌有罪當誅故三年不敢去補

曰左氏公羊謂靈公召盾飲食將殺之盾趙穿弑公而

乃出也注首四句疏謂本公羊荀卿書趙穿弑公而

後反趙盾還招使史狐書賊曰趙盾弑公史狐其國史掌書記

董狐也晉史所書如是左傳乃曰趙盾弑其君公羊則

直同經文皆誤趙訪言之矣趙又云此與魯史諱內惡

不同劉敞論此事則以諱惡為仲尼新意文烝以為列

國之史諸侯制也魯史王禮也隱閔子般子惡之弑舊

史本書薨卒君子從而立不地不日之盾曰天乎天乎

法也以吾說求之乃可解劉知幾之惑盾曰天乎天乎

予無罪告天言己無孰為盾而忍弑其君者乎他誰作

盾而當忍弑君者乎補曰王念孫曰注非也為猶謂也

言誰謂盾而忍弑其君也公羊曰誰謂吾弑君者乎是

其證古書為字或與史狐曰子為正卿入諫不聽出亡

謂同義二字可互用史狐曰子為正卿入諫不聽出亡

宣甫主上五

五

不遠君弑反不討賊則志同志同志同則書重非子而

誰盾是正卿又賢故言重補曰傳明晉本以盾弑赴不

莫知春秋之義正在於志故書之曰晉趙盾弑其君夷

皋者過在下也鄭嗣曰成十八年晉弑其君州蒲傳曰

弑罪在臣下也趙盾弑其君不言罪而曰過者言非盾

視弑有討賊之過補曰言故書之者明史從赴書盾

罪盾此言過在下互辭曰於盾也見忠臣之至於許世

子止見孝子之至邵曰盾以忠不出竟反不討賊受弑

嘗藥受弑父之罪孝不至故也補曰曰者目經意也疏

曰春秋必加弑於此二人者所以見忠孝之至故也忠

孝不至則加惡名欲使忠臣覩之不敢惜力孝子見之

所以盡心是將來之遠防也盾與止加弑是同而許悼

書葬晉靈不書葬者止失嘗藥之罪輕故書葬以赦止

盾不討賊之罪重故不書晉侯葬明盾罪不可原也文

烝案晉從弑君不葬之例許仍存史文蘇轍曰言忠臣

之至孝子之至者所以為教也非以為法也孟子言以

不義取之於民者猶禦也充類至義之盡也充類至義之盡而名之曰禦則可以禦誅之則不可故春秋以弑君責之非以弑君誅之也

冬十月乙亥天王崩

匡王也補曰史記襄王子頃王王臣世本名巨頃王子匡王班范注贊王

室事自女栗後文十四年春頃王崩不志至此乃志

三年春王正月郊牛之口傷之口緩辭也傷自牛作也

牛自牛

傷口非備災之道不至也故以緩辭言之補曰公羊亦云緩疏曰舊解范別例云言之凡三十五范既總為例則言之者並是緩辭傳於執衛侯云言之緩辭也則其餘不發者亦緩可知耳文烝案下句申上緩意也傷自

牛作非人所能不得責人不敬故為緩辭與成七年緩辭同意此牛不須免見成七年注

改卜牛牛死乃不郊事之變也

牛復死乃廢郊禮此事之變異補曰後牛又自死乃者亡乎人之辭也恭致天變

非人所能謂之變而已說見僖三十一年疏曰重發傳補曰注解亡乎人非也說見僖三十一年疏曰重發傳者嫌牛死于卜郊不從異也不言免牛而云不郊者牛

死不行免牛之禮故直言不郊也文烝案所改卜之牛
 即公羊及郊特牲所謂稷牲稷牛也此牛又死若傷不
 得又有牛則不郊矣公羊曰曷為不復卜養牲養二卜
 帝牲不吉則反稷牲而卜之帝牲在于滌三月於稷者
 唯具是視公羊之意以初時十月繫牲於滌宮帝牲有災
 牲並繫十月十一月十二月共十月繫牲於滌宮帝牲有災
 謂之不吉則改卜稷牲為帝牲帝牲還是在滌之牲其
 稷牲但須視其體具所以為再變不復卜也但改卜之稷
 牛可為帝牲當止不郊故再變不復卜也但改卜之稷
 牲何以決其必吉啖助以為不吉則亦不郊或恐此卜
 但示有其事不復細論蓋因前此十月繫牲時二牲已
 皆卜而得吉故歟郊特牲曰帝牛不吉以爲稷牛帝牛
 必在滌三月稷牛唯具孔穎達曰為猶用也公羊同知穀
 為帝牛其祭稷之牛臨時別取用此皆與公羊同知穀
 梁意亦不異

猶

三望

補曰前牛傷後牛死並在正月皆不可知其某
 日三望是上辛與否抑或非用辛無以言之屬上

天王崩而書郊之變同於他文不譏卜郊牛者董仲舒
 曰春秋之義國有大喪者止宗廟之祭而止郊祭不
 敢以父母之喪廢事天地之禮也父母之喪至哀痛悲
 苦也尚不敢廢郊也孰足以廢郊者故其在禮亦曰喪

者不祭唯祭天為越辨而行事又曰春秋譏喪祭不譏喪郊杜預曰王崩未葬而郊者不以王事廢天事又引曾子問天子崩未殯五祀不行既殯而祭自啟至於反哭五祀之祭不行已葬而祭文烝案杜意又有與舊異者謂君薨既耐作主以後宗廟四時常祭亦得行不用三年不祭之說杜非也

葬匡王

補曰蒙上月

楚子伐陸渾戎

○撰異曰左氏戎上有之字公羊作伐賁渾戎音義賁音奔案古陸字與睦通說文

畜古文睦與賁相似

夏楚人侵鄭

秋赤狄侵齊

補曰自此赤狄四見白狄三見孔穎達曰謂之赤白其義未聞蓋其俗尚赤衣白衣也文

烝案以左傳國語呂氏春秋杜氏後序引汲冢紀年考之莊三十二年秋伐邢僖二十三年晉人敗狄于箕皆白狄也閔二年秋入衛僖二十四年秋伐鄭文七年秋侵我西鄙皆赤狄也經皆通言不別至此別之者亦北燕從史文之例何休以為進稱赤非也

宋師圍曹

冬十月丙戌鄭伯蘭卒

葬鄭穆公補曰蓋不蒙月

四年春王正月公及齊侯平莒及邾莒人不肯補曰莒大

莒及王葆說是爾雅曰及者內為志焉爾補曰重發傳

肯可也月者從平例也平者成也補曰重發傳者以不肯者可以肯也凱曰

也平者成也補曰重發傳者以不肯者可以肯也凱曰

公伐莒取向邑伐猶可取向甚矣以義兵討不平未若

也故曰猶可也補曰注非也直言伐者容有義兵所以

為可今加言取向言伐又言取則貪其利而已所以為

甚隱四年引舊傳曰言伐言取所惡也傳以凡諸義兵

為可而曰猶者諸侯未賜弓矢不專征伐雖較善已非

大平莒人辭不受治也乘義取邑所以不肯平也言平

法莒人辭不受治也乘義取邑所以不肯平也言平

人國而取其邑則伐莒義兵也討不釋怨補曰義兵者
不肯平者轉有辭也案孟子曰春秋無義戰趙岐注曰春秋所載戰伐之
事無應王義者也章指又曰征伐誅討不自王命故曰
無義戰也然則孟子所謂義非即傳所謂義耳取向非也
又曰彼善於此則有之矣善則傳所謂義耳取向非也
乘義而為利也補曰義利渾言則通析言則別易文言
者利之足也墨子經曰義利也二義通之和也國語曰義
於義小人喻於利大學言以義為利孟荀並言先義後
利則二者別也董仲舒言義養心利養體至朱子所以天
理人欲為說意尤切至天理字本樂記乃程伯子所以
得不傳之學者矣齊桓伐楚韓非謂其義於名而利於
實宣公乘義為利并其所假之義而失之與凡伐取者
同故還從所惡常
例不致者從例也

秦伯稻卒補曰秦共公

夏六月乙酉鄭公子歸生弑其君夷補曰鄭幽公後改為

宋弑君歸生從之者耳李廉據後十年鄭改
葬諡時斲子家之棺而逐其族疑實歸生弑

赤狄侵齊

秋公如齊

公至自齊

冬楚子伐鄭

補曰上年侵下年又伐明此非討賊矣

五年春公如齊

夏公至自齊

秋九月齊高固來逆子叔姬

補曰月者為下卒○撰異曰左氏此處無子字段玉裁曰

後人據傳妄刪經字耳其實傳是省文

諸侯之嫁子於大夫主大夫以與

之婚禮主人設几筵于廟以待迎者諸侯大夫尊卑不敵故使大夫為之主來者接內也不

正其接內故不與夫婦之稱也來者謂高固高固齊之大夫而今與君接婚姻

之禮故不言逆女補曰此注視莒慶傳為詳來者一句誤疏曰重發傳者莒慶小國之大夫高固齊之尊卿而

娶公之同母姊妹嫌待之禮殊故發傳明其不異也徐
越云傳言吾子是宣公女也理亦通耳文烝案徐非也
孔穎達據公孫茲如牟知
高固亦因來聘而自逆

叔孫得臣卒

補曰疏曰不日則惡可知矣何休云知公子
遂欲弑君而匿情不言未審范意亦然以否

冬齊高固及子叔姬來及者及吾子叔姬也為使來者不

使得歸之意也

高固受使來聘而與婦俱歸故書及以
明非禮莊二十七年冬杞伯姬來僖二

十八年秋杞伯姬來皆不言所及是使得歸之意補曰
疏曰經既言及子叔姬傳何須更言及吾子叔姬也以
方欲解及為非禮者公與夫人之文也樂之會去及為非禮
此書及為非禮者公與夫人之文也樂之會去及為非禮
穀之會言公及夫人姜氏而樂之會以夫人之仇不言
及故知去及為非禮今叔姬歸寧當以獨來為文高固
奉命宜云來聘經總之言來故知書及為非禮文烝案
兒內女書來者皆不使得歸也此必以為使來明其不
使得歸者彼皆是諸侯夫人直來則非禮可知子叔姬
為大夫妻大夫妻有歲一歸夫偕來禮直言來嫌使得歸
故總言之也其見義大本以其隨夫偕來禮直言來嫌使得歸
經意釋之也其實大夫妻歲歸宗惟同國則可嫁他國

者亦不得無事歸宗與夫人同就使叔姬獨來經直書
曰齊高叔姬來亦是未暇論耳范注失之○左傳曰反
嫁不踰竟也特此處未暇論耳范注失之○左傳曰反
馬也說亦可通於傳反馬謙不親行此因聘親自反馬也
杜預曰禮送女留其送馬謙不敢自安者若被出棄將乘之以歸
也反馬孔穎達曰謙不敢自安者若被出棄將乘之以歸

楚人伐鄭

六年春晉趙盾衛孫免侵陳此帥師也其不言帥師何也

據元年趙盾帥師救陳此亦帥師可知疏得之元不正其敗前

年稱帥師救陳此亦帥師可知疏得之元不正其敗前

事故不與帥師也元四年救而今更侵之補曰元年救陳

師是與趙盾以帥師之明文也前變文與帥師此變

夏四月

秋八月螽

冬十月

七年春衛侯使孫良夫來盟來盟者前定也不言及者以

國與之不言其人亦以國與之不日前定之盟不日補

疏曰重發傳者宋華孫不稱使此則稱使嫌異故重發之言不日者據及荀庚盟之屬有日也文烝案不言其盟之屬注詳成三年此不日又不月者左傳曰始通且謀會晉蓋以公得會晉自此始故不月以異之歟首句者字各本脫今依唐石經及余仁仲萬卷堂經注本呂本中集解本俞舉集傳釋義本補正余本存者自宣公起何煌校出

夏公會齊侯伐萊

秋公至自伐萊

大旱補曰竟九月雩不得雨故不言大雩為災故不言不雨

冬公會晉侯宋公衛侯鄭伯曹伯于黑壤黑壤某地補曰當云晉地即昭

二十五年
之黃父

八年春公至自會

夏六月公子遂如齊至黃乃復蓋有疾而還黃齊地補曰公羊曰有疾也注當去蓋

字乃者乎人之辭也鄭闕曰大夫受命而出雖死以

命故曰乎人言魯使不得其人也補曰注解乎人

非也說見僖三十一年重發傳者前是疾反而加事畢之

異也復者事畢也不專公命也文者是不使遂專命還

辛巳有事于大廟補曰此蓋論也諸侯論或值或裕此禴

事者為不去樂張本鄭君禘禘志曰說者以為有事謂

禘為仲遂卒張本故略之言有事耳何鄭意皆得之鄭

所引說者謂左氏說彼傳無禘文言禘非也國之大事

在祀與戎古者稱祀戎皆曰有事故言有事也日者不

去樂失禮例當日仲遂本不卒者卒之不當日明矣

無失禮亦當日仲遂本不卒者卒之不當日明矣

仲

遂卒于垂祭于大廟之日而為若反命而後卒也先書復後

言卒使若遂已反命于君而後卒于垂補曰垂是齊地

遂卒在卒已前今以君聞卒之日為其卒日者見臣子

之義與公孫嬰齊同意又因遂卒本不當日也不移卒

文於卒已祭前者本不當卒若先出卒文雖疏之未足

見此公子也其曰仲何也疏之也意此公子也其曰仲何也疏之也意此公子也其曰仲何也疏之也

也補曰疏曰遂見疏而去公子經不可單稱遂卒以遂

於後以仲為氏故稱仲遂卒也文烝烝大夫卒不可直

名者嫌是不命大夫若無佞俠之等也遂之身已以仲

為氏劉炫以為受賜得之疏言遂於後以仲為氏非也

何為疏之也是不卒者也是弑君賊不當書卒者不

疏則無用見其不卒也同故去公子則與正卒者則其卒

之何也據公子翬以譏乎宣也其譏乎宣何也聞大夫

之喪則去樂卒事去籥萬卒祭事言今不然補曰去樂

去樂卒事故卒仲遂以譏宣但宣雖去樂卒事而壬午

猶釋非禮當先書去樂卒事以明正繼書壬午猶釋以

示譏仍不得卒仲遂其理易見故傳不具言耳何休
曰禮大夫死為廢一時之祭有事於廟而聞之者去樂
卒事卒事而聞之者廢釋文烝案傳言是不卒者也以
譏乎宣也昭十四年傳曰意如惡然而致見君臣之禮
也兩傳意同李光地說下猶釋曰檀弓載仲尼言卿卒
不釋則遂之功罪姑無論矣韓子詩云春秋書王法不
誅其人身此類是也文烝案劉敞亦云春秋
之設辭也非其人之謂也蓋其道之謂也

壬午猶釋補曰四字今依唐石經十行本刪正猶者可以已之

辭也補曰六年見釋者祭之旦日之享賓也補曰疏曰旦

謂之釋者釋陳昨日之禮文烝案公羊曰祭之明日也

爾雅曰又祭也何休以為釋繼昨日事孫炎以為祭之

明日尋釋復祭也享賓者賓尸謂以尸為賓而享之天

子諸侯曰釋以祭之名耳故傳以享賓解釋也何休曰殷曰

亦足賓尸異其名耳禮天子以卿為尸諸

萬入去箭侯以大為尸節神也禮大夫以下以卿為尸諸

書入者異也去徹也藏也訓藏字或作弄後人

別之耳鄭君周禮注曰去樂藏之也又引此而曰萬言
入則去者不入藏之可知鄭言藏是也言不入非也
卽在萬中昭十五年籥入以其爲之變譏之也籥惡其
去樂不可言樂不入明矣以其爲之變譏之也籥惡其
聲聞此爲卿變於常禮是知其不可而爲之補曰公羊
曰萬者何干舞也籥者何籥舞也其言萬入去籥何去
其有聲者何廢其無聲者存其心焉爾爾存其心焉
知其不可而爲之也何休曰干謂楯也其言萬入去
不使害人故聖王貴之以爲武樂萬者其篇名武王以
萬人服天下民樂之故名之云爾籥所吹以節舞也
籥而舞文樂之長去其有聲者不欲合人聞之也廢置
也置者不去也齊人語文烝案傳文簡略須以公羊證
明之何氏解萬字不台古義詩曰方將萬舞毛傳曰以
干羽爲萬舞陳奐曰樂記羽籥干戚樂之器也干舞有
干與戚羽舞有羽與籥舞亦曰籥舞干舞爲武舞以
爲大名也韓詩傳萬大舞也以干羽舞故爲大舞逸周書
世俘籥人奏武王入進萬孔晁注曰武以干羽爲萬舞
春秋言萬入去籥明萬必有籥左傳考仲子之宮將萬
焉公問羽數于衆仲明萬必有籥孔穎達引異義公羊
說樂萬舞以鴻羽取其勁輕一舉千里又引韓詩說以
夷狄大鳥羽則萬舞有羽古無異說萬舞或可省言干

故公羊謂萬為千舞雖專言千舞不謂萬無羽籥故異
義所載公羊說以萬為羽正與傳相補倘何休以為萬
取武王以萬為人服天下之義不為羽籥舞之兼號鄭君
詩箋以萬為千舞蓋亦誤陳疏申明毛義詳確可據自呂
也者千戚舞也蓋亦誤陳疏申明毛義詳確可據自呂
祖謙發其端矣夏小正商頌皆有萬而何休以為起武
玉者本春秋說文蓋以正商頌未足據商頌則宋襄公時
詩也郊特牲以朱干設錫冕而舞大武為諸侯之禮
則侯國之祭本無千舞祭統稱成王康王賜魯大嘗禘
朱干玉戚以舞大武入佾以舞大夏此天子之樂也明
魯不與他國同和懿行爾雅義疏說籥籥短於笛而三孔
注風俗通廣雅詩音義諸文以爲吹籥籥短於笛而三孔
舞籥長於笛而六孔或七孔趙汴曰禮樂者先王大典
其節文之末皆精義所存諸侯不得妄有損益王制變
禮易樂者為不從不從者君流故猶釋之失去樂之得
史皆書之以謹也夫子之漸文烝案此所謂周禮在魯而
君子尤重之也○夫子於魯之禮樂蓋兢兢焉入大廟
則每事問告顏淵為邦則述魯之舊法斯春秋之志也
皇侃說論語行夏之時謂祭祀田獵播種也乘殷之路
謂郊禘乘素車也服周之冕謂郊廟用袞冕也樂則韶舞
之樂從虞氏始也

戊子夫人熊氏薨

宜公妾母補曰何休以為即僖所娶楚女宣為僖之妾子乖異難嫁孔廣森謂

楚以熊為氏半為姓或異其公族屈氏歸氏之屬可更以熊為姓○撰異曰熊左氏作羸

晉師白狄伐秦

楚人滅舒鄧

補曰羣舒也左傳曰楚子羣之及滑溺盟吳越接壤也案此在時例○撰異曰鄧本又作蓼左氏公羊作蓼

秋七月甲子日有食之既

冬十月己丑葬我小君頃熊

文夫人姜氏大歸于齊故宣公立己妾母為夫人義與成風同人禮卒葬之故主書者不得以為夫人義與成風同

補曰疏曰成風再貶自外妾母不議者從一譏故也文

則案注首二語本鄭君駁異義說見通典凡適母被廢

葬敬廟早無麻始用葛第○撰異曰頃熊左氏作敬廟

案頃敬古通用說苑以南宮敬叔為頃叔趙匡謂頃是惡諡追尊不應加惡諡非也

雨不克葬葬既有日不為雨止禮也雨

不克葬喪不以制也

徐邈曰案經文是己丑之日葬喪

無為逆書此日葬禮喪事有進無退又士喪禮有潦車

載養笠則人君之張設固兼備矣禮先遷柩於廟其明

昧爽而引既及葬日之晨則祖行遣奠之禮設矣故雖

雨猶終事不敢停柩久次補曰疏曰舊解案禮庶人縣

封葬不為雨止明天子諸侯不觸雨而行傳言不為雨

止者謂不得止葬事而更卜遠日喪不以制者謂不得

臨雨而制喪事豈有諸侯執紼者五百人觸雨而行哉

是徐邈之說理之不通今案傳文云喪不以制是喪事

不以禮制上文不為雨止禮也明為雨止則非禮可知

安得云傳意葬為雨止乎又丑而卻期者謂雨之與葬皆

為迷范義而違之未及己丑而卻期徐注不言其非何

是己丑之日也若未及己丑而卻期徐注不言其非何

者何為逆書己丑日葬也孔廣森曰穀梁之說謂既發

引至於塋地不可因雨而乖有進無退之義又非可若日

食止柩道右以須明復故有潦車之載養笠之備若其

在廟祖遺柩猶未行雨霑服失容白當却改期日此孔

氏因徐注楊疏而加詳又略本王制正義之說以通台

左傳王制之文也今案左傳曰雨不克葬禮也禮卜葬

先遠日辟不懷也王制曰庶人縣封葬不為雨止鄭君

曰縣封當為縣窆雖雨猶葬以其禮儀少孔穎達正義

又引許慎異義公羊說卿大夫臣賜不能以雨止左氏
說則與王制同以爲此皆謂已發在路及葬也又引鄭
君釋廢疾雖庶人葬爲雨止以爲此謂在廟未發也其
人君無論在廟在路及葬皆爲雨止故公羊說雨不克
葬謂天子諸侯也左氏說卜葬先遠日辟不懷也惟穀
梁說葬既許有日不爲雨止許慎以爲非也正義又云鄭
無駁與許同許引論語云死葬之以禮以爲正義以雨而葬
是不行禮何休注亦同孔廣森欲通之以禮以爲正義以雨而葬
是說指已發在路亦同孔廣森欲通之以禮以爲正義以雨而葬
上皆爲雨止則庶人雖未發亦不止皆不合先儒所論
孔又別爲說曰昔魏葬惠王雪及牛目有司請弛期襄
王弗許而惠子託爲樂水蠶王季墓事以說之可知雨
不克葬爲禮是則以大雪比甚雨亦先儒所未言竊嘗
論之王制左氏說庶人不爲雨止公羊說兼及卿大夫
其言已岐異矣王制下文言喪不貳事亦屬庶人而穀
梁此年傳不爲雨止下文十六年傳喪不貳事亦屬庶人而穀
之禮則知王制爲記述之疏謬而左氏公羊皆未可用
許慎何休鄭君孔穎達及穀梁舊解皆失之也雨有甚
不甚葬有未發已發之別傳但大概言之謂葬既卜得
日於禮無止止則以爲非制耳徐注楊疏孔廣森亦皆
失之也

庚寅日中而克葬補曰何休曰別朝莫者明見日乃而緩

辭也足乎日之辭也補曰疏曰與定十五年日下稷乃

羊曰而者何難也乃者何難也曷為或言而或言乃乃

難乎而也公羊意與傳同時加於午視日下稷為早是

城平陽補曰杜預釋例曰此東平陽也杜以左

楚師伐陳補曰僖之篇楚兩稱師一以公

九年春王正月公如齊廣森曰月者正月也文烝案疏引

往月危往之例以為此朝書月即是非禮之異文不知

正月書月者非必在危例襄公母以四年七月薨其冬

也禮庶子為後為其母總今以為夫人則不用此制禮

公至自齊唯君所服之語

夏仲孫蔑如京師

補曰仲孫蔑公孫敖孫孟獻子也蔑父文伯名穀其叔父惠叔名難左傳是春

王使來徵聘

齊侯伐萊

秋取根牟

補曰疏曰當為國名案杜預以為東夷國故疏從之滅夷狄例時說亦可通但穀梁此處無傳

則非國也取邑例時當是取邑諸取國及邑不出主名者孔廣森曰蓋徵者取之如孔說則皆是內稱人之文與入杞伐邾同與取濟西田異未敢定也

八月滕子卒

補曰滕昭公

九月晉侯宋公衛侯鄭伯曹伯會于扈

補曰月者為下卒日

晉荀林父帥師伐陳

辛酉晉侯黑臀卒于扈

補曰晉成公也公羊曰扈者何晉之邑也案扈本鄭地不知何時入

晉其地於外也

補曰國都之外及竟外皆外也注專指外謂國都之外諸侯卒於路寢則不地

宋八國滕

此文但以國都之外解外字非傳意也地以地名不地
以會者成十三年傳曰公大夫不在會曰會徐邈謂內君
大夫在焉者也此會公不在故不言卒于會傳雖無說
以彼傳推之或當然也公羊以為未出其地故不言會
未出其地即傳所謂未踰其日未踰竟也傳例曰諸侯
竟孫覺從之說亦通其日未踰竟也正卒則日不
正則不日舊說踰竟亦不日然則諸侯不正而與已踰
竟無以別之矣案襄七年鄭伯卒于楚同恐後人謂操
扈文正與襄二六年許男卒于楚同踰竟也補曰此注
是國故於疑以之際每為發傳曰未踰竟也補曰此注
甚錯謬傳言在外未踰竟者當書曰未踰竟也補曰此注
明書日為未踰竟之通例不以正不正論也在竟外者不
卒苟非明書其所卒之國則正不正不悉不日傳舉此以
見彼而舊說因謂踰竟不日大概得之說詳成十三年
此不葬者疏
日蓋魯不會
冬十月癸酉衛侯鄭卒補曰衛成公也不葬者殺其母弟
文故去葬
以明之

楚子伐鄭

○撰異曰子各本誤作人今依唐石經十行本改正

晉卻缺帥師救鄭

陳殺其大夫泄冶

補曰大戴禮保傅賈子書韓詩外傳皆曰靈公殺泄冶而鄧元去陳以族從不

書鄧元出奔者史本無之○撰異曰泄左氏作洩唐石經公穀亦皆作洩避諱改也稱國以殺其

大夫殺無罪也

補曰重發傳者泄治忠賢異泄冶之無

罪如何陳靈公通于夏徵舒之家

補曰復發文泄治之無

御叔公孫寧儀行父亦通于其家

舒母夏姬鄭穆公女

妻也石經余本俞泉集

或衣其衣或衰其襦

傳釋義本補正在裏說文曰衷裏褻衣襦短衣也釋名有以相戲於朝

泄冶聞之入諫曰使國人聞之則猶可使仁人聞之則

不可

補曰仁人愛君者也君愧於泄冶不能用其言而

殺之補曰孔子稱比干為仁泄治庶幾近之王肅家語載孔子語謂泄治不得同比干引詩板篇與左傳文同皆不足據也何休說公羊言泄治有罪似用左傳其作膏肓則以為無罪蓋以左傳究不可用

春秋宣公經傳第六補注第十六

穀梁 范氏集解 鍾文烝詳補

十年春公如齊

公至自齊

齊人歸我濟西田

○撰異曰公羊唐石經磨改及鄂本西下有之字誤衍也公娶齊

由以為兄弟反之

齊由以為婚族故還魯田公羊釋二十

五年何休注曰宋魯之間名為婚兄弟補曰公羊儻二親
婚與妻之黨為兄弟父為婚父之黨為兄弟郭璞
婿相謂為亞婦之黨為兄弟婿之黨為兄弟婿之黨為兄弟
注曰古者皆謂婚姻通言之皆族也尚書歐陽夏侯說
母黨曰妻黨曰婚姻通言之皆族也尚書歐陽夏侯說
禮戴說九族者謂父族四父之姓五屬之內也父女昆
弟適人有子也母族三母之父母也母之昆弟也身女子適人
適人有子也妻族二妻之父也妻之母也竊以司徒族

黨之名皆取聚義小雅兄弟昏姻之不言來補曰據鄆句並顯親情各得通稱非無意矣

言公如齊受之也專使接公之文此田公如齊受之公

至自齊而齊人歸之其歸或無專使接公不得言來或

雖有專使而以公之親受為重於此可略亦不須言來

趙匡難此傳非也濟西田田上加言我者亦以公如齊受

之則齊人未歸之前此田已屬我故特加我於歸時以

與不言來之義相為接足傳釋不言來則此意亦兼見

公羊以為言我者未絕於我齊已言取之其實未之齊

何休曰齊已言語許取之其人民貢賦尚屬於魯不言

來者明不從齊來如公羊何氏之義則書取既為虛文

書歸亦非實事

劉敞駁之是矣

夏四月丙辰日有食之

己巳齊侯元卒

傳例曰言日不言朔食晦日則此丙辰晦

義例當是閏月矣文六年傳曰閏月者附月之餘日言

閏承前月而受其餘日故書閏月之日繫前月之下蓋

史策常法文有定例閏有常體無嫌不明故不復每月

發傳哀五年公羊傳曰閏月不書此何以書推此言之

齊

崔氏出奔衛氏者舉族而出之之辭也

則春秋固有在閏月而不冠以閏者矣至於閏不告月猶朝于廟閏月韓齊景公不正其閏無以言其事故書見變禮補曰徐邈謂日食是三月晦日經冠以四月耳見隱三年范非也其論書閏不書閏之義則得之

為舉族而出尹氏卒寧可復以為舉族死乎鄭君釋之曰云舉族死是何妖問甚乎舉族而出之辭者固議世卿也崔杼以世卿專權齊人惡其族令出奔既不欲其身反又不欲國立其宗後故孔子順而書之曰崔氏出奔衛若其舉族盡去之爾補曰舉族也公羊之義不可通於傳傳無識世卿義直謂舉族出耳益崔氏在位者不止一人今並去國經辭尚簡不可悉書則書崔氏而已此自不得以尹氏為比左傳以為崔杼趙鵬飛考校時代疑其非杼為附

公

如齊補曰左傳曰奔喪杜預曰公親奔喪非禮也公出

齊之說家豈翁亦云善得國舉千乘之魯唯齊是聽孟子所謂人役者也文

危之與成十年同所以

五月公至自齊

補曰致亦月者亦危之非但為下弑日成十一年亦同此往月致月有懼之例

癸巳陳夏徵舒弑其君平國

六月宋師伐滕

月者蓋為下齊惠公葬速起補曰疏曰宋師伐滕外事也歸父如齊又不當月諸侯

時葬正也月葬故也今上有齊逐崔氏之文又非五月而葬明書月為葬惠公文烝案注速字可刪去疏又非

句亦當刪

公孫歸父如齊

補曰歸父遂之子家

葬齊惠公

補曰上年不會晉葬於齊則卿往以事晉者事齊矣

晉人宋人衛人曹人伐鄭

秋天王使王季子來聘其曰王季王子也

補曰王子已為大夫而未受采

邑無氏又不得以季繫王子故繫於王王季猶言其曰周季也左傳謂之劉康公杜預曰其後食采於劉其曰

子尊之也

子者人之貴稱補曰公羊曰其稱王季子何貴也其貴奈何母弟也公羊說是也貴即尊

也為大夫故字以母弟而為大夫故尊之加言子尊之言子猶諸侯之弟來我舉其貴者言弟也一言弟一不言弟者天子之尊其弟聘問也補曰重釋聘者王季子兄尤不得以屬通也尊故備文又王聘終於此也

公孫歸父帥師伐邾取繹○異異曰繹公羊作繹案左傳

穎達以為別有繹邑近在邾都旁或當作繹為是

大水

季孫行父如齊杜補曰左傳曰初聘于齊

冬公孫歸父如齊補曰左傳曰伐邾故也杜預曰

齊侯使國佐來聘補曰孔廣森曰未踰年而稱侯以使者既於王見居喪之正法其餘即悉因其

廢禮之實以刺譏當世矣

饑補曰傳例二穀不升謂之饑言饑蓋包饑與康矣此饑由秋大水也莊七年秋大水無麥苗周之秋苗可更種

三

三

惟無麥耳冬不至饑故彼冬無饑文餘諸水旱螟螽之
等雖傷二穀以上不至於無或偶無一穀冬皆不至饑
也饑例時○撰異曰本
或作飢案飢者假借字

楚子伐鄭

十有一年春王正月

夏楚子陳侯鄭伯盟于夷陵夷陵陳地文烝案陳未葬而稱侯

陳靈蔡靈之葬與他例不同則陳成蔡平之稱侯亦與他例不同也外盟不日此又不月者以楚遂主盟故略之甚猶盟齊盟鹿上之意也
○撰異曰夷左氏公羊作辰

公孫歸父會齊人伐莒

秋晉侯會狄于欒函欒函狄地補曰左傳言卻成子求成於衆狄衆狄疾赤狄之役遂服於晉

會于欒函衆狄服也蓋此會乃晉所以不言及外狄也
○撰異曰於諸夏補曰黃池之會書晉侯及吳子會于黃池
所以異之於諸夏補曰黃池之會書晉侯及吳子會于黃池
及之文也彼會若魯不與當書晉侯及吳子會于黃池

哭不得從列數之例以殊會為外以書尊及卑為進今
不言晉侯及狄會明是外之猶吳之殊會矣此義施於
會不施於盟不得以衡人及狄盟為難黃池又進吳稱
子則別有義也傳也字各本脫今依唐石經余本呂本

中集解本俞皋集傳釋

冬十月楚人殺陳夏徵舒

變楚子言人者弑君之賊若曰

大夫人得稅者即是眾辭從殺有罪例也孔穎達曰不稱

臣卑賤故也文烝案凡殺他國之君皆不言某國大夫以人

曰其月謹之者不能自討藉楚之力禍害必深故書月

為謹之文烝案下此入而殺也其不言入何也據入國

有丁亥此亦當月此入而殺也其不言入何也乃得殺

補曰繫陳而不地明是殺之於外徵舒於陳也補曰晉

陳左傳亦曰入陳殺夏徵舒於外徵舒於陳也人執衛
侯不言入衛曰不陳殺夏徵舒於外衛楚人殺陳夏徵舒
言入陳曰外徵舒於陳觀此兩義信所謂師受而知非
以其心意議矣故春秋之徵也惟傳顯其外徵舒於陳
之春秋約而不速惟傳使人優柔求之其外徵舒於陳
何也夫不應外明楚之討有罪也入陳殺夏徵舒者

則入者內不受是無以表微舒之悖逆楚子之得正補
 曰討得其罪不可不明其義此即論語請討齊陳恆之
 意與下各自為義也公羊以為貶楚子稱人不與外討
 又以為雖內討亦不與諸侯以下傳所云猶可者為定論
 不與是達事理之言當以專封解經書城而不書衛
 也傳於城楚丘云不與齊侯專封解經書城而不書衛
 遷之意書城仍非議也文既不以許之乃知其實與趙匡
 曰凡春秋得變之正皆變文以許之乃是文與何得云
 不與乎

丁亥楚子入陳入者內弗受也日入惡入者也補曰重發

賊無何用弗受也補曰據討不使夷狄為中國也傳曰重發

罪也何用弗受也補曰據討不使夷狄為中國也傳曰重發

納淫亂之人執國威柄制其君臣僨倒上下錯亂邪正

是以夷狄為中國補曰注非也夷狄謂楚也為治也治

亦討也以夷狄治中國而討罪不可以訓故於此還從
 弗受常例若不使得然苟非夷狄則須有特異之文以
 當入文矣此與下事又不相涉下自見義六經典
 論曰穀梁解經大氏在於尊王室抑外夷明賞罰此三
 條備之

納公孫寧儀行父子陳公羊作甯納者內弗受也補曰

傳者彼納君此納輔人之不能民而討猶可鄰國有不能治民者而討其罪人則可而曰猶可者明鄰國之君

無輔相之道補曰注言不能治民其理是其說非也能讀為柔遠能邇之能鄭君詩箋曰能猶也與如通

謂卿順也不能民者不順民也王念孫曰書言不能厥家人左傳言入而能民不義文烝案人之不順民者謂

內公羊言不能乎母並同義文烝案人之不順民者謂繼世之君未順乎民者也言為他國討賊之道若但以

之輔人則猶可若如下所云入人以制人則不可也猶字義當如注說孔穎達王制正義曰魯無弓矢之賜陳

恆弑君孔子請討之者春秋之時見鄰國篡逆亦得專征伐此足入人之國制人之上使不得其君臣之道

與傳相證入人之國制人之上使不得其君臣之道不可補曰上下即君臣當絕而楚強納之是制人之上下

云二子不繫陳者以其淫亂明絕之也或當上有入陳之文下云于陳故省文耳無義例文烝案糜氏非也疏

是也陸消聞於師曰討徵舒正也故明書曰人許其行義也入人之國又納淫亂之臣邪也故明書其爵以示非

宜補注十六五

正也春秋之義彰善癉惡纖介無遺指事原情瑕瑜不掩斯之謂也張洽曰聖人予善之宏待人之公先旌其討賊之義然後著其入陳且納亂臣之罪游夏不能與者也程端學以爲視其所以者常觀其所由書殺於前書入與納於後其由來者顯矣○案莊王入陳縣陳因申叔時言復封陳此左傳所載也史記陳世家曰孔子讀史記至楚復陳曰賢哉楚莊王輕千乘之國而重一言王肅家語因之夫使此言果莊夫子之言何以經文絕無所見經但言入不言滅此言果莊夫子之言何以經文絕之也司馬遷所謂孔子讀史記者乃當時公羊家謬說所謂求周史記得百二十國寶書者也以爲春秋不專據魯史記者也卽此以觀益知其言不足信大氏秦穆楚莊春秋以爲夷狄而略之皆未嘗賢之亦不以霸待之自二國日強競相追美左氏公羊附和成說孟子亦因時俗之論稱秦穆之霸而於百里奚孫叔敖皆樂道焉遂滋後人之紛紜矣風俗通及趙鵬飛家鉉翁趙汭皆嘗論之學者當據穀梁二伯之文以明春秋專家之學

十有二年春葬陳靈公

淫夏姬殺泄冶臣子不能討賊踰三年然後葬而日卒時葬何邪秦曰楚已討之矣臣子雖欲討之無所討也

故君子即而恕之以申臣子之恩稱國以殺大夫則靈
公之惡不嫌不明書葬以表討賊不言靈公無罪也踰
三年而後葬則國亂居可知矣非日月小有前卻則書
時不嫌補曰注楚已討之三句本公羊疏曰未五月謂
之前過五月謂之卻言葬有前卻則嫌也文烝案書月見
年始葬非是小有前卻故書時不嫌也文烝案書月見
故者雖適五月亦書疏非也此注踰三年而以下當改
云文承上事則有故居可知矣故書時不嫌亦鄭莊公
不日之例也劉敞曰既葬而後乃討賊賊雖已討葬猶
不追書也閔公是已討賊雖遲而葬在討賊之後則葬
得書陳靈公是已凡君弑賊不討不敢葬父弑讐不復
不敢葬不敢葬則亦不敢除其服是故寢苦枕戈志必
復而後已此賊未討雖久弗葬而弗非也所以
春秋有其賊未討雖久弗葬而弗非也

楚子圍鄭

夏六月乙卯晉荀林父帥師及楚子戰于邲晉師敗績鄭

地補曰韓非淮南子並曰楚莊王勝晉於河雍之間雍
即濮也疏曰除龜云先林父者內晉而外楚文烝案此
晉荀林父救鄭之師也左氏公羊同左氏以爲晉聞鄭
及楚平乃濟河而戰故不得以救鄭書高澍然曰若書

救鄭及楚戰似楚圍未散鄭守績功也補曰爾雅同又
未下晉以戰為救皆非事實矣補曰轉相訓爾
子經曰功利民也孔廣森功事也補曰雅曰績事也
日敗績補曰周禮言師不功
事敗也補曰疏曰舊解此戰事書日者為敗之故也特
之徐邈云於此發之者二國兵眾不同小國之戰故特發
日為語辭亦足通也但舊解為日月之日疑不敢質故
皆存耳文音聿左傳例曰大崩曰敗績
音聿左傳例曰大崩曰敗績

秋七月

冬十有二月戊寅楚子滅蕭

補曰傳以蕭為微國滅例中

蓋以蕭近宋之國楚莊夷狄之盛故進而詳之疏引徐
邈云蕭君有賢德故書日文音聿左傳例曰大崩曰敗績
之但此無以其君歸之
文未必於君身取義

晉人宋人衛人曹人同盟于清丘

清丘衛地補曰案左傳

皆大夫也稱人者蓋以晉師新敗霸業已
衰故略之既著同外楚文則無嫌為卑者

宋師伐陳

○撰異曰徐彥公羊疏曰宋師伐陳者案諸家

衛人救陳

補曰疏曰此不言善者衛宋同盟外楚今反救

耳經論其大義不屑屑論之衛人救陳楚人救衛楚公

子貞帥師救鄭皆善也趙孟何曰讀春秋者不可於細

十有三年春齊師伐莒

○撰異曰公羊作伐衛汪克

夏楚子伐宋

補曰自九年以來連書楚子凡八事莊王會

夫宜其不

秋螽

冬晉殺其大夫先穀

○撰異曰穀一本作穀唐石

十有四年春衛殺其大夫孔達

夏五月壬申曹伯壽卒

晉侯伐鄭

秋九月楚子圍宋

補曰疏曰徐邈云圍例時此圍久故書月以惡之文烝案月或為下葬

葬曹文公

冬公孫歸父會齊侯于穀

十有五年春公孫歸父會楚子于宋

補曰地以宋者與僖然曰僖會盟于薄復會盟于宋歸父復會于宋宋東北與魯接壤懼楚師及已故先納款

夏五月宋人及楚人平

補曰月者例也平之正例內外皆月○撰異曰陳岳春秋折衷曰左

穀宋人及楚平公羊作及楚人平

平者成也

補曰疏曰

索左穀皆作及楚人平陳氏誤

善其量力而反義也

各自知力不

嫌外內異也案當云

人者衆辭也平稱衆上下欲之

也

補曰上下謂君及臣民左氏賈逵注曰善其與衆同也欲謝提曰宋見圍凡九月外無隻輪匹馬之援內有

析骸易子之變宋人知怨之不可以結也故請和於楚
以求平楚人知忿之不可以恃也故受宋之和而與之
平二國之平外平不道補曰不道者經以吾人之存焉

道之也釋吾人謂大夫歸父補曰此猶外以吾人之存焉

六月癸卯晉師滅赤狄潞氏以潞子嬰兒歸○撰異曰潞

水滅國有三術術猶中國謹曰卑國月夷狄不日謂卑國

庸之屬襄六年傳曰中國日卑國月夷狄時此謂三術

補曰疏曰中國日者衛滅邢之類是卑國月者無佗入

極齊侯滅萊之類是夷狄時而云不日者楚滅江黃吳滅州來

之類是此不云夷狄時而云不日者楚滅江黃吳滅州來

日之意故云不日文彙集傳特發例於此者因變例以

明正例此論經例耳舊史則皆日也疏論滅萊非也萊

州來當改爲滅巢其曰潞子嬰兒賢也補曰日字當爲
賢故進書日也進之當從卑國例月而日者爲以其君
歸從沈許頓胡例也既日之故亦名之與四君同若夔
滅在時例則夔子不名矣若然書名者與書日之文相
足書日爲賢則書名非絕之乃與常例異也疏曰書日

以表其賢書名以見滅國
所謂善惡兩舉其說未足

秦人伐晉

王札子殺召伯毛伯

補曰被殺不名者別於卒也札子非大夫則名大夫則字皆常例案左傳

時有召桓公召戴公此王札子者當上之辭也補曰當

殺者召戴公毛伯衛也王札子者當上之辭也補曰當

者謂不稱王人以殺是以王命殺也王札子猶言周札

子札子者名也左傳謂之王子捷是羣王子也王子未

為大夫則皆名也左傳謂之王子捷是羣王子也王子未

夫瑕猛朝等皆同殺召伯毛伯不言其何也解經不言

補曰據凡稱人兩下相殺也補曰兩下者兩臣兩臣相

者皆言其大夫兩下相殺也補曰兩下者兩臣兩臣相

稱人故亦不得言兩下相殺不志乎春秋此其志何也

其言其則不辭兩下相殺不志乎春秋此其志何也

矯王命以殺之非忿怒相殺也補曰詐稱曰矯以非

曰以王命殺也知以王命殺謂言王札子殺召伯毛伯是

謂當以王命殺則何志焉補曰以王命殺則何志焉

上以王命殺則何志焉補曰以王命殺則何志焉

左傳記晉殺胥童齊殺高厚

甚殺意恢楚殺卻宛之等未嘗非矯君命而經概從君
殺之文是其比也但春秋多記列國殺大夫而王殺此
外不見或以列國之殺為專殺為天下主者天也萬物
而王殺則異歟故又據以問
本乎繼天者君也子補曰天之稱君之所存者命也之補曰人
天以言為人臣而侵其君之命而用之是不臣也為人君
受命而失其命是不君也補曰君臣皆惡至於矯殺故不可
而失其命是不君也補曰君臣皆惡至於矯殺故不可
君不君臣不臣父不父子不子劉向說苑子夏曰春秋者記
也此非一日之事也有漸以至焉君不君臣不臣此天
下所以傾也補曰政公則國家從之申足上意也沈
行於卿士矣上相夷王室益衰不可救止文蒸案荀
子曰天地者生之始也禮義者治之始也君臣父子兄弟夫
婦始則終終則始與天地同理與萬世同久夫是之謂
大本故喪祭終朝聘師旅一也貴賤殺生奪與一也君
臣父父子兄弟弟一也農農士士工工商商一
也

秋螽

仲孫蔑會齊高固于無婁四年昭五年之牟婁也當云莒

邑○撰異曰

初稅畝補曰急就篇種樹收斂賦稅租顏師古曰斂財曰賦以足兵文蒸案依丘甲三軍例此亦當月但國以民

為本今改舊法厚斂於民內之大惡較彼二事為甚故

略不為謹月文若是國之初者始也補曰亦古者什一

常事哀用田賦亦同此也初者始也著為令古者什一

一夫為一婦佃田百畝以內私田五口父母妻子也又受田十

畝以十畝補曰孟公田在內私田五口父母妻子也又受田十

周人百畝而徹其什一也何休曰以什與民自取

其一為公田姚鼐曰一在什之外凡傳記言十一而稅

則一在十中言什一而藉及徹則一在十外文蒸案漢

五里即
九州而
五千里
之方三
里三信
何賦三
焉二服
其地之
甚廣而
之補則

藉而不稅藉此公田而收其入言不稅民補曰孟子曰

公田不稅民之私也范注以徐逸曰藉借也謂借民力治

理亦通文烝案王制孟子皆有此語初稅畝非正也

補曰言穀古者三百步為里名曰井田補曰六尺為步

出過籍與長也九章方田術依秦漢之制畝廣一步長二百

與長也九章方田術依秦漢之制畝廣一步長二百

十步周制廣一步長三百步為一畝畝廣百步長百步為百

畝廣三百步而里者謂方里故孟子曰方里而井以上

曰三百步而里者謂方里故孟子曰方里而井以上

韓詩外傳盡同也開方之數即積其里之方之數而乘

之如王制云州方千里則其積九百萬里矣四海之內九

州斷長補短方三千則其積九百萬里矣書皋陶謨

弱成五服至于五千歐陽夏侯說中國方五千里則其

積二千五百里矣至于歐陽夏侯說中國方五千里則其

里某去某若干里者但據一邊至彼如傳云縣地若干

人跡屈曲非計鳥路徑直當分別觀之也井田二字於

文皆象形井謂之畫畫字下亦象田四界古者畫九州

畫井其始也八卦六書皆取畫名又轉為繪畫九數之

序則先方田明井田為萬法本故易說曰井法也下文

井竈之井蓋因井田得名易卦有井指其物言之易說

訓法本其始言之說文字作井云八家一井象構韓形

五里即

六

州志爲要
荒州水
時有之於
無以知其
密也孟子
云海內之
地方千里
省九與王
制同

義象也古者伯益初作井豈唐虞前無井字乎井田者九
百畝公田居一田除公田八家共一井八百畝餘二十畝故井
家各二畝半爲廬舍補曰孟子曰井九百畝其中爲公
田八家皆私百畝同養公田又曰詩云雨我公田遂及
我私惟助爲有公田由此觀之雖周亦助也何休曰聖
人制井田之法而口分之二一夫一婦受田百畝以養父
母妻子五口之家而九頃共爲一井故曰井田廬舍在
頃十畝人也公田次之重公也私田在外賤私也井田之
內貴人也無泄地氣二曰無費一家三曰同風俗四曰合
義拙五曰無通財貨因井田以爲市故語曰井多於
巧拙名曰餘夫餘夫以率受田二十五畝十井共出兵
五口乘司空謹別田之高下善惡分爲三品上田一歲
車一壟中田二歲一壟下田三歲一壟肥饒不得獨樂
壟不得獨苦故三年一換主私田稼不善則非吏非青
易居財均力平兵車素定私田稼不善則非吏非青
田暖也言吏急民使不得營私田補曰說文曰禾之秀
實爲稼莖節爲禾毛詩傳曰種之曰稼斂之曰稿此稼
謂禾稼也田峻者爾雅曰農公田稼不善則非民私也
夫也毛詩傳曰田出大夫也

補曰孟子曰公事初稅畝者非公之去公田而履畝十

取一也補曰疏曰何休云宣公無恩信於民不肯盡

者稅取之故曰履畝徐邈以爲除公田之外又稅私

田十之一也傳稱與民已悉則徐言是文烝案徐說以

爲什二杜預亦以爲然漢書五行志劉向云是時民患

上力役解於公田宣是時初稅畝稅畝就民田畝擇美

者稅其什一與何說同與杜徐說異姚鼐曰謂去公田

之名而通九百畝履畝十取一是與民已悉孔廣森曰

去公田而九家同井每畝稅取其什之一近貢法也或

以爲什二而稅非也論語言二者是哀用田賦以後耳

案趙鵬飛呂大以公之與民爲已悉矣曰自謂盡其力補

圭說並同此古者公田爲居八家共居補曰謂以二十畝

明上意申古者公田爲居八家共居補曰謂以二十畝

復言此傳井竈慈非盡取焉五菜外種敝桑以一備養生

送死補曰疏曰損謂減損也五菜者世所謂五辛之菜

文烝案井所以汲竈所以炊皆養生所重居之所急慈

冬
蟻生

劉補曰爾雅曰蟻始生何休曰始生曰蟻大曰蟻非

非之屬宜種者多舉以該其餘當如注說何休曰種穀
不得種一穀以備災害田中不得有樹以妨五穀還廬
舍種桑荻雜菜畜五母雞兩母豕瓜果種疆畔女尙蠶
織老者得衣帛焉得食肉焉死者得葬焉此二句又以
發上未盡之意故三稱古者○何休又論在邑之事曰
一里六十戶八家共一巷中里爲校室選其耆老有高
德者名曰父老其有辯護仇健者爲里正皆受倍田得
乘馬吏民春夏出田秋冬入保城郭田作之時春父老
及里正旦開門坐塾上晏出後時者不得出莫不持樵
者不得入五穀畢入民皆居宅里正趨緝績男女同巷
相從夜績至于夜中故女功一月得四十五日作從十
月盡正月止男女有所怨恨相從而歌飢者歌其食勞
者歌其事男年六十女年五十無子者官衣食之使之
民閒求詩鄉移於邑邑移于國國以聞于天子故王者
不出闢戶盡知天下所苦不下堂而知四方十月事訖
父老教于學校室八歲者學小學十歲者學大學其有
學者移于鄉學鄉學之秀者移于庠庠之秀者移于國
學于小學諸侯歲貢小學之秀者于庠庠之秀者于國
有秀者命曰進士行同而能偶別之以射然後爵之

災也補曰此非字是非之非也言蠲不足其曰蠲非稅

畝之災也凡春秋記災未有言生者蠲之言緣也縣宜

失之言今所以志蠲故生此災以責之非責也補曰注說

蠲則足為災故志之也責者經責之公羊曰此何以書

幸之也幸之者何猶曰受之云爾受之云爾者何上變

古易常應是而有天災其諸則宜於此焉變矣公羊意

與傳合傳上言非災下言非異姓云云正同許翰曰觀乎災

異則見政事觀乎政事以知災異

是謂念用庶徵數語可與傳相發

饑補曰此饑由秋蝻蝻不無此經案今公羊有

十有六年春王正月晉人滅赤狄甲氏及留吁甲氏留吁

晉既滅潞氏今又并盡其餘邑也滅夷狄時賢要兒故

滅其餘邑而晉盡有之重其事故云滅留吁言及者益

之於甲氏而晉盡有之重其事故云滅留吁言及者益

小於甲氏文烝案滅國獲君既日之故滅邑月之

夏成周宣榭災成周東周今之洛陽宣榭宣王之榭爾雅

宣補注十六

秋

郊白姬來請年左傳曰出也公羊曰大歸曰來歸何休
文公物亦近之然鼓文鼎鬲傳曰反曰來歸在成五
承器之證矣陳倉石鼓十形如鼓耳非樂器然亦宣王
樂器文烝案周詩既備而藏焉爾何休曰宣王公羊曰
也乎成周易俗莫善於樂是故貴其器補曰宣王公羊
不考其曰宣榭何也皆不別所燒以樂器之所藏目之
失之其曰宣榭何也皆不別所燒以樂器之所藏目之
本誤衍不字也劉敞曰宋災猶云重王室其義允當蓋范
則志皆是經例因史例也徐云重室也今遍檢范本並無
不字耳徐本是同文烝案疏至字乃志之誤謂徐本無
火作周茨不志也補曰疏曰徐本或作謝公羊作謝災左
氏作周即今堂皇○撰異曰謝本或作謝公羊作謝災左
日謝即今堂皇○撰異曰謝本或作謝公羊作謝災左
者周之下孔廣森曰凡邑有宗廟先君之主曰都成周
中興之功亦同之文烝案何休曰宣王之廟不毀者有
謝也故范亦同之文烝案何休曰宣王之廟不毀者有
無室日榭傳例曰國曰災邑曰火補曰疏曰不言京師
者補時成周非京師故也公羊傳云宣王廟者何宣宮之
無室日榭傳例曰國曰災邑曰火補曰疏曰不言京師

曰嫁不書者為媵也來歸書者後為嫡也死不卒者已棄有更適人之道或時為大夫妻故不得待以初也棄歸例有罪時無罪月文烝案何氏於紀叔姬以爲其後爲嫡於此亦言後爲嫡其實媵不得爲嫡也鄭君曰女君卒貴妾繼室攝其事耳不得復立爲夫人杜預說左氏亦曰夫人薨不更聘必以姪娣媵繼室繼室者攝治內事猶不得稱夫人故謂之繼室也啖助曰不書嫁而書出或嫁時夫未爲君也此即賈逵適世子之說劉敞云亦

冬大有年五穀大熟爲大有年

十有七年春王正月庚子許男錫我卒

丁未蔡侯申卒

補曰莊侯甲午卒不書

夏葬許昭公

葬蔡文公

六月癸卯日有食之

補曰徐彥引顏安樂公羊說以爲十四日日食孔廣森曰案史記漢文帝

二年亦十二月望日食陰陽之異容有非可
理度意測者但傳無明文未知顏氏所本

己未公會晉侯衛侯曹伯邾子同盟于斷道己未亦閏月

地補曰非閏也說同者有同也同外楚也補曰重發傳見隱三年日食
清丘發傳者清丘魯不會故重舉於此以包
之并包下蟲牢馬陵蒲城柯陵虛打之類

秋公至自會

冬十有一月壬午公弟叔肸卒補曰叔肸諡曰惠伯見杜預釋例世族譜蓋據世本

凡公子不為大夫者不卒時重肸賢隆其恩禮比之大夫為之諡遂立叔氏故史得記卒也不言公之弟者以賢舉不從其曰公弟叔肸賢之也補曰賢之故稱弟又緩辭例

其賢之何也宣弑而非之也叔宣公殺子赤責之非之則胡為

不去也曰兄弟也何去而之言無與之財則曰我足矣

宣公與之財物則言自足以距之補曰室家治生之道必求有有求多今日我足雖是距辭亦所謂古之沈冥

常內足織屨而食以織屨終身不食宣公之食補曰下

也秩也江永曰食與祿通言之則同分言之有田者為

是也食亦名秩左傳惠王奪子禽祝跪與詹父田而收

宣公祿秩又合於伯夷叔齊之用心何休引論語曰篤

信好學守死善道危邦不入亂邦不居天下有道則見

無道則隱劉敞引論語作者七人不君子以是為通恩

降其志不辱其身身中清廢中權不君子以是為通恩

也以取貴乎春秋泰曰宣公弑逆故其祿不可受兄弟

親親言義足以厲不軌書曰公雖非而不其祿不可受兄弟

為通恩者謂不去也疏曰衛侯之弟不亦宜乎補曰以是

存秋此不去君云取貴於春秋者易稱君子之道或出

或處或默或語專以衛侯惡而難親恐罪及己故棄之

而去使君無殺臣之惡兄無害弟之愆故得合於春秋

此叔肸以君有大逆不可受其祿食又是孔懷之親不

忍奮飛使君臣之節兩通兄弟之情俱暢故取貴於春

秋叔肸書字專直稱名者叔肸內可以明親親外足以

厲不軌比專也賢乎遠矣故直書名稱字而已

雖合於春秋無大善可應故直書名而已

十有八年春晉侯衛世子臧伐齊

公伐杞補曰不致者惡事也

夏四月

秋七月邾人戕繒子于繒補曰賈逵曰邾使大夫往殘賊

言戕則見邾惡非見繒罪可知衆辭無所嫌也執用戕

日戕月非必為下卒日○撰異曰此二繒字或作鄣

猶殘也稅殺也稅謂捶打殘賊而殺也義相近詩鄭箋

直言戕殘也是以爲本訓公羊曰殘賊而殺之也稅字

舊从手今改从木說文曰格稅也稅木杖也字林亦云

木杖廣雅曰格稅杖也顏師古急就篇注曰稅小格也

今俗呼爲袖稅言可藏於懷袖之中也後漢書關衡傳

曰手持三尺稅杖說文木杖或作大杖蓋誤也杖爲稅

杖之亦爲稅猶言言授之繫以繫其馬其義相因邾人

杖殺繒子此殘之實音義曰稅或作撲普木反亦通注

打字亦當从木說文曰撞也宅耕切格棒打打皆正俗

字地于繒者明在國都楚子虔誘蔡侯般殺之于申則

不於國都也不名者趙汭以爲繒子卒不志於魯此特

以戕死錄
故不名

甲戌楚子呂卒商臣子莊王補曰楚始書卒楚卒皆曰皆

公羊作旅案漢書律志曰呂以旅陽宣氣又夷狄不

卒補曰疏也說文從肉旅聲之替與呂為一字夷狄不

卒君亦不卒秦穆公亦不卒疑惟吳為史所本無

卒少進也同例秦亦然也卒而不日君也文烝柴補曰

亦皆不日勝始亦不日秦始亦不日皆日少進也明勝

夷狄之皆同例也勝秦始不日終日皆吳始終不日楚始

與秦皆同例也勝秦始不日終日皆吳始終不日楚始

終日此其異也夷狄所以有少進例者能脩政刑行事

中夏不得日而不言正不正簡之也中國君日卒正也

夷狄直舉其日而不論正之與不正補曰簡略也亦明

勝與秦皆同例也略之者既別於中國亦因其政俗異

宜難以周禮責如楚國之舉恆在少者晉叔向以棄疾

為居常矣此傳為勝秦楚莒吳五國書卒者發通例傳

文之簡而此傳為勝秦楚莒吳五國書卒者發通例傳

有條如此

公孫歸父如晉

冬十月壬戌公薨于路寢路寢正寢也

補曰疏曰重發傳者莊據始故發之

宣纂弒有嫌成承所嫌之下故各發傳文烝案路寢唯此三文故傳簡釋成篇較略此最略傳路寢二字各本

脫金依唐石經余本呂本中集解本補正

歸父還自晉

補曰疏曰大夫執則致歸父非執而書其還者為出奔張本也直名不氏者凡致者由上

致之故例名今不書歸父之氏明有致命之義也文烝案遂卒以言仲為疏慶父來以直言仲孫為疏知此還

非以直名為疏者此還為奔而書事在奔例無取疏義明當從常文言公孫特以文在還自晉之上事未畢而

若畢得有致命之義而去氏也各本此經下衍還者事至懼遂奔齊五字今依唐石經十行本刪正

未畢也自晉事畢也

補曰疏曰復發傳者嫌君臣異也文烝案事畢者至國之辭以明其

本欲至國而中路被逐傳重發以起下也范於事未畢也下注曰莊八年秋師還是也八字贊甚滯甚今刪全

書刪注唯

與人之子守其父之殯

言成公與歸父子共

此一處

守宣捐殯而奔其父之使者是亦奔父也捐棄也奔猶
公曠之殯逐父之使謂歸父也父命未反而已逐之
棄父之親奔父無異補曰喪不貳事況於逐父之使孟莊
是與親不改父之臣況於國君以今依唐石經余本胡安國
春秋之意也亦各本誤作以今依唐石經余本胡安國
傳命舉集傳釋義本程端學本義李廉會通本改正

至檀遂奔齊杜預曰檀魯竟外故不言出補曰即文七
年例云在外也○撰異曰檀左氏作笙遂

繼事也補曰疏曰重發遂例者嫌出奔不得同於繼事
也補曰疏曰重發遂例者嫌出奔不得同於繼事
繼事例則不得日傳并見此意也必從繼事例者明惡
成公逐之既惡成公即知其不惡歸父左傳臧宣叔曰
當其時不能治也後之人何罪此定論矣高澍然
曰書遂著聞亂而奔之迹非若敖奔莒之前定也

宣補注十六終

大千三百餘字
小九千九百八十二字
通注七十四字